

গণপ্রজাতন্ত্রী বাংলাদেশ সরকার  
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ [info@iedcr.gov.bd](mailto:info@iedcr.gov.bd); [ncov@iedcr.gov.bd](mailto:ncov@iedcr.gov.bd) ওয়েবসাইটঃ [www.iedcr.gov.bd](http://www.iedcr.gov.bd)

১২ মার্চ ২০২০ইং

## সংবাদ বিজ্ঞপ্তি

মাননীয় স্বাস্থ্য মন্ত্রী কর্তৃক সামিট গ্রুপ কর্তৃক ক্রয়কৃত ৫টি স্ক্যানার গ্রহণ

আন্তর্জাতিক বিমান-সমুদ্র-স্থলবন্দরে কয়েকটি স্থানে স্থাপনের জন্য বাংলাদেশ সরকারকে সহায়তা করার জন্য সামিট গ্রুপ ৫টি স্ক্যানার ক্রয় করেছে। আজ স্বাস্থ্য ও পরিবার কল্যাণ মন্ত্রণালয়ে এক অনাড়ম্বর অনুষ্ঠানে আনুষ্ঠানিকভাবে স্ক্যানারগুলো সামিট গ্রুপের কাছ থেকে গ্রহণ করেন মাননীয় স্বাস্থ্য ও পরিবার কল্যাণ মন্ত্রী জনাব জাহিদ মালেক এমপি। অনুষ্ঠানের আরো উপস্থিত ছিলেন স্বাস্থ্যসেবা বিভাগের সচিব জনাব মো. আসাদুল ইসলাম।

বিশ্ব স্বাস্থ্য সংস্থার মহাপরিচালক কর্তৃক কোভিড-১৯ বিশ্ব মহামারী ঘোষণা

গতকাল জেনেভাতে বিশ্ব স্বাস্থ্য সংস্থা সদর দপ্তরে নিয়মিত সাংবাদিক সম্মেলনে সংস্থার মহাপরিচালক ডা. টেড্রুস অ্যাডহানম গেব্রেইয়েসুস বিদ্যমান কোভিড-১৯ পরিস্থিতিতে বিশ্ব মহামারী ঘোষণা করেছেন। তিনি বলেন, ১১৪টি দেশে ১,১৮,০০০ কোভিড-১৯ সংক্রমিত ব্যক্তি সনাক্ত হয়েছেন, ৪২৯১ জন মৃত্যু বরণ করেছেন। আরো কয়েক হাজার মানুষ হাসপাতালে কোভিড-১৯ এর বিরুদ্ধে লড়াই করছেন। চীনের চাইতে চীনের বাইরের কোভিড-১৯ আক্রান্ত ব্যক্তির সংখ্যা ১৩ গুণ। আগামী দিনগুলোতে এ সংখ্যা আরো বাড়ার আশংকা রয়েছে। আজকে অনুষ্ঠিত নিয়মিত সাংবাদিক সম্মেলনে ডা. গেব্রেইয়েসুস বিশ্ব মহামারী ঘোষণার কারণ হিসেবে এর দ্রুত বিস্তার ও বিস্তারের ব্যাপক মাত্রাকে তুলে ধরেন। আরেকটি কারণ হচ্ছে বিশ্বের কোনো কোনো সরকার এ মহামারী মোকাবেলায় রাজনৈতিক অঙ্গিকারে শৈথিল্য দেখাচ্ছেন। তিনি জোর দিয়ে বলেন, এ বিশ্ব মহামারীকে এখনো ঠেকিয়ে দেয়া যায়।

বিশ্ব মহামারী ঘোষণার প্রেক্ষাপটে স্বাস্থ্য অধিদপ্তরের মহাপরিচালক কর্তৃক গণবিজ্ঞপ্তি জারী

কোভিড-১৯ মোকাবেলায় জনস্বার্থে আইনের প্রয়োগ বিষয়ে একটি গণবিজ্ঞপ্তি জারী করেছেন স্বাস্থ্য অধিদপ্তরের মহাপরিচালক প্রফেসর ডা. আবুল কালাম আজাদ। সংক্রামক রোগ (প্রতিরোধ, নিয়ন্ত্রণ ও নির্মূল) আইন ২০১৮ এর বিভিন্ন ধারা, উপ-ধারাকে উল্লেখ করে প্রয়োজনে বর্ণিত আইনগুলো প্রয়োগের প্রয়োজন হতে পারে বলে গণবিজ্ঞপ্তিতে উল্লেখ করা হয়। গণবিজ্ঞপ্তিটি এ সংবাদ বিজ্ঞপ্তির সাথে সংযুক্ত হল।

সারা দেশব্যাপী হাসপাতালগুলোতে আইসোলেশন শয্যা প্রস্তুতি

ঢাকা মহানগরীর ৬টি হাসপাতালে ৪০০ শয্যা, চট্টগ্রাম মহানগরীতে ২টি হাসপাতালে ১৫০ শয্যা, সিলেট মহানগরীতে ২টি হাসপাতালে ২০০ শয্যা, বরিশাল মহানগরীতে ২টি হাসপাতালে ৪০০ শয্যা, এবং রংপুর মহানগরীতে ২টি হাসপাতালে ২০০ শয্যা কোভিড-১৯ সংক্রমিত ব্যক্তিদের আইসোলেশনের জন্য প্রস্তুত রাখা হয়েছে।

## সারা দেশে মাস্ক তৈরী করার আহ্বান

স্বাস্থ্য অধিদপ্তরের মহাপরিচালক প্রফেসর ডা. আবুল কালাম আজাদ সারা দেশে মাস্ক তৈরী করার জন্য সংশ্লিষ্ট প্রতিষ্ঠানগুলোকে উদ্যোগ নেবার আহ্বান জানিয়েছেন। সংশ্লিষ্ট বিশেষজ্ঞদের সাথে পরামর্শ করে তিনি জানিয়েছেন যে, পপলিনের কাপড় দিয়ে তিনটি স্তর বিশিষ্ট এ মাস্ক তৈরী করা যাবে। মাস্ক পরার জন্য পপলিনের ফিতা থাকতে হবে। একবার ব্যবহার করে তা সাবান-পানি দিয়ে ধুয়ে ও শুকিয়ে মাস্কটি আবার ব্যবহার করা যাবে।

## দাতা সংস্থাসমূহের সাথে স্বাস্থ্য মহাপরিচালকের বৈঠক

আজ সন্ধ্যায় স্বাস্থ্য অধিদপ্তরে দাতা সংস্থাসমূহের প্রতিনিধিদের সাথে স্বাস্থ্য অধিদপ্তরের মহাপরিচালকের বৈঠক অনুষ্ঠিত হয়েছে। বৈঠকে কোভিড-১৯ নিয়ন্ত্রণে বাংলাদেশের প্রস্তুতি ও সহযোগিতার ক্ষেত্রগুলো নিয়ে আলোচনা হয়।

## বাংলাদেশের ৩ জন করোনা ভাইরাস রোগী পরিস্থিতি

হাসপাতালে চিকিৎসাধীন ৩ জন কোভিড-১৯ আক্রান্ত ব্যক্তির মধ্যে ২ জন সুস্থ হয়েছেন। তাদের পর পর দু'টি পরীক্ষায় কোভিড-১৯ পাওয়া যায় নি। এদের সংস্পর্শে আশা ব্যক্তিগণ কোয়ারেন্টিনে ভাল আছেন।

## কোভিড-১৯ আক্রান্ত সন্দেহে থাকা ব্যক্তিদের জ্ঞাতব্য

যে সব দেশে কোভিড-১৯এর স্থানীয় সংক্রমণ ঘটেছে সে সব দেশ থেকে যে সব যাত্রী আসবেন (দেশী-বিদেশী যে কোনো নাগরিক) তাদেরকে ১৪ দিন স্বেচ্ছা/ গৃহ কোয়ারেন্টিন-এ থাকার অনুরোধ জানাচ্ছি। তাদের কারো মধ্যে যদি কোভিড-১৯এর লক্ষণ দেখা যায় তবে অন্য কোথাও না যেয়ে প্রথমেই আইইডিসিআর-এর হটলাইনে যোগাযোগ করার অনুরোধ করা হল।

পৃথিবীর দুই-তৃতীয়াংশ দেশে স্থানীয় সংক্রমণ ঘটছে এবং বিশ্ব স্বাস্থ্য সংস্থা কোভিড-১৯ কে বিশ্ব মহামারী ঘোষণা করেছে। তাই যে দেশে আছেন যেখানে আছেন সেখানেই অবস্থান করাই উত্তম। কারণ আরোহন, ট্রানজিট ও অবতরণের বিমান বন্দরসমূহের টার্মিনাল এবং বিমানের ভেতরে যে কোন যাত্রী/ ক্রু কোভিড-১৯ সংক্রমিত যাত্রী/ ক্রু দ্বারা সংক্রমিত হতে পারেন। সংক্রমিত যাত্রী/ ক্রু যে দেশে অবতরণ করবেন সে দেশে কোভিড-১৯ সংক্রমণ ছড়িয়ে পড়তে পারে, প্রথমেই সংক্রমণ ছড়াতে পারে আপনার পরিবারের সদস্যদের মাঝে। নিজেকে ও প্রিয়জনদের অতি সহজেই আপনি এ সংক্রমণ থেকে মুক্ত রাখতে পারেন। তাই অত্যাৱশ্যকীয় নয় এমন আন্তর্জাতিক ভ্রমণকে নিরুৎসাহিত করা হচ্ছে।

## প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, আরব আমিরাতে, ইটালি ছাড়া অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। সিঙ্গাপুরে আইসিইউতে চিকিৎসাধীন বাংলাদেশী রোগীর অবস্থার উন্নতি হয় নি। দিল্লীতে উহান থেকে আগত ২৩ জন বাংলাদেশী নাগরিক দিল্লী মহানগরী থেকে ৪০ মাইল দূরে একটি কোয়ারেন্টিনে আছেন। আমরা পররাষ্ট্র মন্ত্রণালয় ও বাংলাদেশ দূতাবাসের সাথে সার্বক্ষণিক যোগাযোগ রাখছি।

## হটলাইনের সংখ্যা বেড়ে এখন ১৩টি

কোভিড-১৯ সংক্রমণ সম্পর্কে জনগণকে প্রয়োজনীয় তথ্য জানাবার জন্য স্বাস্থ্য অধিদপ্তর কর্তৃক স্থাপিত হটলাইন গুলো হচ্ছেঃ

স্বাস্থ্য অধিদপ্তরের স্বাস্থ্য বাতায়নের হটলাইন নম্বরঃ ১৬২৬৩

আইইডিসিআর-এর হটলাইনের নম্বরঃ ০১৫৫০০৬৪৯০১-৫,

০১৪০১১৮৪৫৫১, ০১৪০১১৮৪৫৫৪, ০১৪০১১৮৪৫৫৫, ০১৪০১১৮৪৫৫৬, ০১৪০১১৮৪৫৫৯,  
০১৪০১১৮৪৫৬০, ০১৪০১১৮৪৫৬৩, ০১৪০১১৮৪৫৬৮,

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

#### গণমাধ্যমের প্রতি অনুরোধ

আমরা উদ্বেগের সাথে লক্ষ্য করছি যে, কোনো কোনো গণমাধ্যমে কোয়ারেন্টিনে থাকা ব্যক্তিদের পরিচয় প্রকাশের ঝুঁকি আছে এমনভাবে তাদের অবস্থান প্রকাশ করা হচ্ছে। তাদেরকে প্রকাশ্যে পুলিশ পাহারা দেবার মাধ্যমেও তাদের পরিচয় প্রকাশের ঝুঁকি তৈরী হচ্ছে। আমরা সারা বাংলাদেশে মোট কতজন কোয়ারেন্টিনে এবং আইসোলেশনে আছেন তার সংখ্যা প্রকাশ করছি। রোগ প্রাদুর্ভাবের বর্তমান পর্যায়ে জেলা বা উপজেলাভিত্তিক সংখ্যা প্রকাশ করার প্রয়োজন নেই। পুলিশ প্রশাসনকে অনুরোধ করবো, গৃহ/স্বৈচ্ছা কোয়ারেন্টিনে কারো নিরাপত্তা দেবার প্রয়োজন হলে আইইডিসিআর কর্তৃপক্ষের সাথে যোগাযোগ করে পরামর্শ গ্রহণ করুন।

#### বাংলাদেশ পরিস্থিতি

স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে।

#### COVID-19 সংক্রান্ত সর্বশেষ পরিস্থিতিঃ (জিনিংকৃত যাত্রীর সংখ্যা) (১২ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট জিনিংকৃত যাত্রীর সংখ্যা	১৪১৬৭	৫৬৬৯১৩
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত জিনিংকৃত যাত্রীর সংখ্যা*	৬৩২৬	২৮৭৫৫১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) জিনিংকৃত যাত্রীর সংখ্যা	৩৪২	৬৬৫০
ঢাকা ক্যান্টনমেন্ট ও বেনাপোল রেলওয়ে স্টেশনে জিনিংকৃত যাত্রীর সংখ্যা	১৫২	৬৩৮৩
অন্যান্য চালু স্থলবন্দরগুলোতে জিনিংকৃত যাত্রীর সংখ্যা	৭৩৪৭	২৬৬৩২৯

\* গত ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে জিনিং করা হচ্ছে।

\*\* কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

আইইডিসিআর হটলাইনে প্রতিদিন কোভিড-১৯ বিষয়ে মানুষের জিজ্ঞাসার জবাব দেয়া হয়। ভাইরোলজি ল্যাবরেটরিতে কোভিড-১৯ আক্রান্ত সন্দেহে নমুনা পরীক্ষা করা হচ্ছে।

#### COVID-19 সংক্রান্ত সর্বশেষ পরিস্থিতিঃ (১২ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
-------	-----------------------------	-----------------------------

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোট কলের সংখ্যা	৪৩২৯	১৯৩৮২
আইইডিসিআরহটলাইনে COVID-19 সংক্রান্ত মোটকলের সংখ্যা	৪২১২	১৭৮৬১
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	১৬	২৭৭
COVID-19 পরীক্ষা করা মোট নমুনার সংখ্যা	১৬	১৬৩
COVID-19 আক্রান্ত হয়েছেন এমন সন্দেহে বিভিন্ন হাসপাতালে অন্ততঃ ল্যাবরেটরি পরীক্ষা পর্যন্ত আইসালেশনে আছেন তাদের সংখ্যা	১০	-
বিদেশে COVID-19 আক্রান্ত দেশ থেকে আগত যাত্রী যারা প্রাতিষ্ঠানিক কোয়ারেন্টিনে আছেন তাদের সংখ্যা	৪	-
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	৩

#### আগামীকাল সাংবাদিক সম্মেলন হবে বেলা ১১টায়

আগামীকাল ১৩ মার্চ শুক্রবার ২০২০ কোভিড-১৯ নিয়ন্ত্রণ কমিশনের নিয়মিত সাংবাদিক সম্মেলন আইইডিসিআর-এ বেলা ১১টায় অনুষ্ঠিত হবে। শনিবার ১৪ মার্চ ২০২০ থেকে আবার যথারীতি দুপুর ১২টায় আইইডিসিআর-এ নিয়মিত সাংবাদিক সম্মেলন অনুষ্ঠিত হবে।

#### কোভিড-১৯ সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ডযাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন
- অত্যাৱশ্যকীয় নয় এমন সব জাতীয়-আন্তর্জাতিক সভা-সমাবেশ-সম্মেলন আয়োজন না করাই ভাল
- অতি বয়স্ক, দীর্ঘমেয়াদী অসুস্থতায় (ডায়াবেটিস, উচ্চ রক্তচাপ, হৃদরোগ, অ্যাজমা, কিডনী সমস্যা, ক্যান্সার প্রভৃতি) ভুগছেন এমন ব্যক্তিগণ ভীড় এড়িয়ে চলুন

স্বা/এ

অধ্যাপক ডাঃ মীরজাদী সেব্রিনা ফ্লোরা  
পরিচালক

ফোন নম্বরঃ ০২-৯৮৪২২৭০